




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4842/A/1





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4842/A/1



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4842/A/1




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4842/A/1


G XX. 29

XXII. A.

4842/A

K2.2





41530
L V D O V I C I

P A S I N I P H Y S I C I

P A T A V I N I,

D E P E S T I L E N T I A

Pataurina Anno

1555.



P A T A V I I.

Apud Gratosum Perchacinum.

M D L V I.

1530 VICI

PASNI PHYSICI

PATAVINE

DE HISTORIA

LIBRIS

1530



PATAVINE

et huiusmodi

1530

LUDOVICVS PASINVS

Phyſicus magnificentiſſ. Petro Mauro-
ceno, & Vincentio Dedo Paduæ Re-
ctoribus iuſtiſſimis S. D.



ECVM ſæpe ipſe
cogitans, cui potiſſimum
has uigilias noſtras dicent,
quem Mecœnatem implo-
rem. Intonuït uox de Cœlo. Siſte.
Cicero ille nobis ſcriptum reliquit. Et
cui multum debemus, fas eſſe illi pluri-
mum uelle debere. Duo namq; Paduæ
Juſtitia fulgora, duo Emiſſerij lumi-
naria, Petrus Maurocenus, ac Vin-
centius Dedus primam in Anteno-
rea urbe tenentes ſedem, eam ipſam à
fame, bello, necnon dira peſtilentia præ-
ſeruâtes, nullis uigilijs, nullis laboribus
die, noctuq; parcentes, quo fit ut ad ta-
les tantosq; Cenſores confugias, in eo-
rumq; ſinu libellũ reponas, quoniam ſe-

rena fronte cum recipient, sicuti tantorum Senatorum innata uirtus exposulat, bonique consules forsitane etiam applaudentes rotundo ore dicere poterunt. Si quaesita secundum fenestratum cor suum elucescant, solutaque aliqua in parte sint. Hæc ubi dicta dedit coelestis uox, tendens ad sidera palmas dixi. O terque quaterque beatum. Nunc scio uere diuinam Phœbi uocem intonuisse, ut exco gitata nostra felicem sortiatur effectum. Ad uos igitur terrestria numina confugimus, opusculum adeo tenue porrigentes, ut illud Senatoria sua maiestate tueantur. Quapropter mi libelle prede uela, ac in tutissimum portum Patavinæ ciuitatis illustrum protectorum aduola, manibusque summa cum humilitate deosculatis, te auctoremque tuum suis serenitatibus commendes uelim. Valete.

DVBIA DEMANDATA EX-

cellenti Ioanni Andreæ Mantuæ

sacratiss. Collegii Antenorei

Priori dignissimo,

Anno 1555.

Mense

Iul.

(sicuti creditur, à Sapientissimis

Sanitatis conseruatoribus)

hic fideliter annotata,

studiose lector tua

innata vrbanitate perlege.

Q Værita cognitu difficilia, cura verò
difficiliora, discutiēda proponuntur.



1 **TRVM** pestifer mor-
bus anni M D LV. qui
in Mense Iunio Paduę in-
cepit, & ad hoc vsque tem-
pus procedit, scilicet, de
Mense Septembr. Vtrum inquam ta-
lis morbus ex contactu tantum process-
sit, an aliam causam habeat à superiori-
bus, & sit Epidimia.

2 **V** Trum febres illæ pestilenciales cum
maculis, quæ vernacula lingua nun-
cupantur Petecchie, sint contagiose, &
fugiendæ.

3. **Q** Vibus cautionibus, auxiliisq̃ famili-
liares & astantes præseruari ab hu-
iuscemodi morbo omnino possint.

4. **Q** Vibus iudiciis consimiles contagio-
sæ ægritudines à principio iudica-
ri, & post obitū suspectæ haberi possint.

A D hæc, sapientes Medici antiqui respō-
dent, & nos cum illis, sicuti boni disci-
puli. In primis Dei Optimi Maximi
numine implorato, à quo omnia, quæ cœ-
lo reguntur, & supra Lunæ spheram sunt
infinita sua providentiā gubernantur, in
arenam descendentes dicimus.

Quod Pestilentia, & Epidimia secundum
propositum quæsitum, quod tale est.
Vtrum morbus iste proveniat ex conta-
ctu tantum, an habeat aliam causam à su-
perioribus, s. & sit Epidimia. Sciendū
est, quòd Pestilentia ex vi vocabuli, dici-
tur à pascendo. Et in rei veritate ita est,
quoniam humana depascit corpora atq̃
ea interficit, cum qua semper est annexa
febris, extra quæta intus verò turbulen-
ta, ut plurimū perdens, ut dicebat Prin-
ceps Avicenna, à qua oritur apostema,
vocaum Altoin, Bubo, vel Pruna. Epi-
dimia autem rectè loquendo, minus s̃qua

4
est quàm Pestilentia: quippe tutius sana-
tur Epidimia, quàm Pestilentia. Dicitur
enim Epidimia ab epi quòd est supra, &
demi quòd est data, quasi desuper data.
Et sub hac Impetigines, Variolas, Mor-
bilos, Pleuresies, & alia huiusmodi, col-
locare fas erit, quæ si à sapienti Medico
rectè curentur quamplurimi id genus
morbi patientes euadent, & valentiores
reddentur.

AD primam igitur partem primi quæsti-
ti respondentes. Nunquid morbus
iste ex cōtactu solo processerit, an aliam
causam habeat à superioribus, & sit Epi-
dimia. Quo ad primam partem quæsti
dicitur. Quòd Pestis, quæ Paduæ est
Anno præsentis M D LV. à tota spe-
cie sapit naturam contractus tantum. Et
hec sit prima conclusio, quam sic probo.
Nemini enim domus sua magis est nota,
quàm toti nostræ ciuitati, vnde originem
hoc pestiferum semen habuerit, & quo-
modo per contractum conualuerit, tan-
quam à causa procatartica, idest primiti-
ua, quæ est à Curtiuetto de Rido, à Men-
se Iunio ad præsentem Octobr. Mensē
vsque, quod vrinam tunc combustum
& deletum fuisset. Et si quilibet intus &
incute discurrat, negare non audebit,

morbum hunc sæuum esse ex contractu.
Et antequā vltcrius procedamus liceat
parum vagari. Nulla in Curruetto de
Rido Pestilentie suspitio inerat, vbi à no-
bilissima Matrona, qui hæc scribit voca-
tus est, vt curaret mulierem quandam
ægrotā, cuius in aula visis in primis dua-
bus vrinis iugalibus, examinatis accidē-
tibus, & præcipuè si aliqua in parte cor-
poris dolorem aliquem sentiret, fuit re-
sponsum, in gutture cum tumore. Sur-
do fabula hæc non fuit enarrata, quare
illico conclusum fuit, morbum illum es-
se pestem, ægrotamq; prorsus cito peri-
turam quod ita contigit. Et quāuis Phy-
sicus sæpe rogatus fuerit, vt ægrotam
adire veller semper negauit. De quo ve-
rissimum testimoniū perhibere possunt
Magnificus Eques D. Ludouicus Do-
ctus, ac eius castissima vxor, qui scire cu-
pientes causam, ob quam negaretur me-
della, eis responsum est. Dubium est de
Peste, & vtinam verum non sit, Magnifi-
cus Eques tunc admiratus, nunc verò cer-
tissimus est, non leue fuisse præsagium,
esto quòd mulier nuda non fuerit visa.
At omni cum reuerētia dictum sit, Dum
Bononiæ Carolus Quintus coronam su-
meret, tunc florebat studium particula-
re

re cum antiquario Magni Achillini, in
„ quo scriptum erat. Bononia docet lite-
„ ris aureis, Padua læta gente repleta, ve-
„ rum Padua, alios nutrit suos deuorat.
Et in hoc nolo librum Generationis ape-
rire, & quo pacto Abraham genuerit
„ Isaac significare. Veritas .n. odiū parit.
Supposito igitur pro firmo, quod à con-
tactu ortum habuerit hæc tam dira egri-
tudo. Et qui hoc negat, neget quoq; ni-
uem albam, & ignē calidum, ac pro pœ-
na in Lazarettum trudatur, vt suo peri-
culo certior fiat, an sit Pestis per conta-
ctum, an influxu cœlesti, vel aere. Ex
quibus dictis de necessitate sequitur hoc
illatum, quod hæc nō est verè Epidēmia,
vt ex ethymologia clarè ellicitur. Epi-
dēmia enim importat desuper data, quod
sic probatur desuper missam omnino nō
esse, quia hoc anno non sunt visi cœlestes
ignes, nec Cometę, nec diuersa reptilia
ex putredine genita multiplicari, nec
subterranea animalia ad terrę superficiē
fugere, nec auis proprios nidos cū suis
ouis relinquere, instar faciunt vbi ab æ-
re infecto leduntur. Nec anno præsentī,
aut superiori, coniunctum Saturnum cū
Marte vidimus in domo Virginis, vel
Geminorum, nec Iouem cum Marte, in

B

signis calidis & humidis, ex eo quod Iup-
piter calid. & humid. vapores multos à
terra attraxerit, quos Mars calid. & ficc.
inflammavit, à qua inflammatione sequuta
fit, aeris immutatio ad pestilentiam. Quip-
pe qui hæc signa utique præcessissent si Pe-
stilentia esset à superioribus, seu aeris cor-
ruptione, sed cum signa hæc non præces-
serint (uti omnibus notum est) necessa-
riò concludendum, aerem Patavinum non
esse corruptum, verum à solo contactu
id euenisse, nec quis sanus existens, confi-
dat res Lazareti tractare, siue literas scri-
ptas à Lazaretistis recipere, confidens
in suis mentitis suffumigiis, & longe ma-
gis quispiam minus confidat cum resi-
dentibus in Lazareto praticare, licet ana-
thematizetur, quòd suffumigatis vestibis
suis, securissime possunt egredi loca infe-
cta, & cum viris sanis, pueris, ac puellis
commorari. Talibus verbis licentiosis
Lazaretistarum applaudant stolidi, quos
Mercurius cum Musis non sanaret, nec
Esculapius, & Apollo. Bene dixero unum
ac de hoc Testor Panaciam, & sacras Deas,
ut in suo iureiurando Hypocras testaba-
tur. Cæpe tale, aut porrum, hoc in viri-
dario suo seminent creduli Lazaretistæ.
In ortulo autem meo porrum, aut cæpe

6
tale quilibet certo sciat, quod minime tra-
splantabitur. Verum enim vero nemi-
nem lateat multa inopinata incommo-
da vrbi nostræ contigisse, forte, quia cre-
dula nimis, at vbi in virga ferrea res acta
est, contra luem pestiferam seminantes,
quam citissime dira Pestis sopita est. Sed
reor equidem, nec vana fides, id à Deo
Optimo Maximo permissum, quo cle-
mentia, pietas, ac sanctitas Inuictissimi
Senatus V E N E T I supra sydera elu-
cescat, mediante infinita prouidentia, ac
indefessa sollicitudine Antenoreæ vrbis
Protectorum Petri Mauroceni, & Vin-
centii Dedi, qui assiduis vigiliis saluti eis
commisæ gregis incumbunt, vt vterque
in dulciss. ac magnificentiss. patriam re-
uersus, coram glorioso Sen. suo dicere
valeat id, quod Venerorum Sereniss.
D V X Marcus Barbadicus, æneis ta-
bellis scriptum reliquit. Nec minus de
Francisco Venerio nunc Sereniss. Duce
ubiq. decantabitur, cum inuiolata Iusti-
tiæ, & specimen sanctitatis existat. Di-
sticum Serenissimi Barbadici hoc est.

Seruauî bello Patriam, morboq. fameq.
Iusticiam foui, plus dare non potui.

B il

Sed hic dubitabit aliquis, Quid est Pesti-
lencia? & quonam pacto hominem tam
cito inficit, ac perimit? Respondetur,
quod Pestis est ægritudo venenosa, cor
putrida ac mortifera fulligine inficiens,
quæ taliter imprimit, ut patientem co-
gat cadere, & pauci quos æquus amavit
Iuppiter, euadunt. Vterius, dubitatur,
putrida hæc fulligo vnde, & à qua causa
nascitur? Respondetur, Quod ortum
habet à vapore aereo venenoso occur-
rente extrinsecus, intrinsecus conturban-
te, qui occulta proprietate agens, ut plu-
rimum perdit. Cor enim continuo refri-
gerio indigēs, aereo attractu inspiratur,
foueturq̃, quo fit ut aer infectus putrida
fulligine sua agat in ipsum cor, tali im-
pressione, ut humidum radicale cum vi-
talibus spiritibus in ictu oculi absorbeat
Et ex hoc correlariè infero, quod corde sic
affecto, vanum est & aquam in mortario
rundere. Humorem cuius vis speciei vel
le euacuare, quoniam putrida fuligo nō
dependet ab humoribus, ob id velle hu-
mores euacuare. Sūt verba ad Ephesios.
Infra autem dicetur quomodo succur-
rendum sit.

Ceterum hic fortè dubitabit aliquis, in-
quiens, Particularis aer infectus (ut pu-

7
ra Lazareti) posito casu, quod ad ipsum
aliquis sanus iret, & inficeretur, Sicuti fe-
cerunt tres illi Religiosi Scapuceti sani,
zelo charitatis Padue, Anno 1555. Pri-
mitus aer ille infectus alterauit spiritus
cordis eorum, qui mala qualitate infecti
calorem naturalem suum mutarunt in
igneum in corde, vt dicebat Gale. & ab
eo procedentes per arterias, & venas in
totum corpus, febrem causant, secun-
dum Auicennam.

Quæritur modo cuius speciei sit febris hæc
primitus, & nemini dubium, quod iudi-
cio omnium sapientum in specie ephe-
merarum reponetur. Quippe qui spiri-
tus immediate igniuntur, & extranean-
tur taliter, vt necessum sit cor febrem in-
currere. Et quia sanguis extra venas in
solo corde continetur, vt clare patet ex
anathome. Quam Gal. alphabetum Me-
dicorum appellauit. Talis inquam san-
guis in corde existens ad putredinem ex-
traneatur propter contactum spirituum
corruptorum, quandoquidem quod tan-
gitur à putrido, putrescit, dixit Aristot.
Et licet sanguis sit filius dilectus Natu-
ræ, Vitæ thesaurus, ac pro thesauro sem-
per recondatur secundum Auic. quarta
primi. Vbi tamen corrumpitur, efficitur

deterior omnium humorum. Propterea quia totam humoralem massam corrumpit. Humorali autem massa corrupta ad intra venas, & si causet febrem continuam. Cum hoc tamen stat, quod si patiens est complexionis cholericæ, proculdubio bilis prædominanter peccabit. Et sic de tertio in tertium patiens excrescentiam parietur. Quo fit ut febris pestilens, de ephemera in putridam conuertatur.

Amplius queritur, cur panni linei, lanei, & huiusmodi bona mobilia à Peste infecto, quam citissime inficiantur. Quinimo anhelitus hominis infecti, illico hominem sanum inficit ad necem, quod non facit odor, cuius vis Arseneci, nec vipereum venenum vipere, nec alicuius serpentis, suo serpenti compari. Et tamen homo, homini pestifera mors est. Mirabile quidem dictu, & certe mirabile, quod homo homini ita sit pestiferum venenum. Et quomodo hoc fit, nouit Deus.

Ad hæc dicta, licet occulta, et foris soli Deo nota sint. Quidam ex nostris ingeniosissimis patriciis respondent. Quorum primus est Magnificus D. Paulus Aluarotus, cum cariss. Collega suo, Lucillo Beraldo ad utilia digniss. Præsides, necnon Egregius Franciscus Centonus, asseren-

res quòd vipera viperæ non est venenū,
nec venenum inferre potest alteri vipe-
ræ, eo quia venena sunt paria in ambo-
bus. Sed inter hominem sanum, & pesti-
ferum est magna disparitas, ob id homo
pestifer agit in sanum. Et hæc responsio
colligitur ex dictis Arist. quarto de phy-
sico auditu. 71. vbi dicitur. Quando
actio, & resistentia sunt æqualia, nulla se-
quitur actio, propterea quia actio proue-
nit à victoria motoris supra passum, quo
fit vt stanre paritate venenorum viperæ
ad viperam, vna nō potest agere in aliā.
Secus autem est dicere de homine pesti-
fero inficiente sanum, eo quia inter infe-
ctum, & sanum est magna disparitas.
Et si responsio sit ingeniosa & valde docta,
digna equidem sapientia tantorum viro-
rum, cum omni reuerentia hoc dictū sit,
iudicio nostro. Solutio talis nō euacuat
argumentum. Quippe qui viperæ, & a-
nimalia appellata carbones, venenosa
sunt, & coeunt cum anguis, & anguillis,
quæ non sunt venenosa. Cum hoc tamē
stat, quòd licet vipera, & carbo sint vene-
no plena, angie, & anguile priuate vene-
no, propter hoc vipera, & carbo non in-
ficiunt, nec interficiunt angias, & angui-
las, instar facit homo pestilens homi-

nem sanum, & qui am citissimè. Hoc au-
 „ tem est quod literatiss. Plinius libro se-
 „ ptimo, cap. primo dicebat, Denique cæ-
 „ tera animantia in suo genere probe de-
 „ gunt, congregari videmus, & stare con-
 „ tra dissimilia. Leonū feritas inter se non
 „ dimicat. Serpentum morsus non petit
 „ serpentem. Nec Maris quidem belue, ac
 „ pisces nisi in diuersa genera sequuntur. At
 „ hercule homini plurima ex homine sunt
 „ mala, & hinc arbitrari fas est conflatum
 „ adagium, LVPVS HOMO
 „ HOMINI, NON HOMO:
 „ Adde quod dixit Magnificus Lucilius
 Beraldus se vidisse anguem coeuntem
 cum vna sua gallina, nec eā interemisse.
 Quinimo gallina illū diligebat, & è con-
 tra anguis gallinam. Amplius in La-
 cu Perusino capta fuit vna anguila mire
 magnitudinis albissima, quæ dono data
 fuit Magnificentiss. Proceribus Balleo-
 nibus, Domini autem illi strenuissima vi-
 sa pulchritudine, vt raritate piscis, illico
 expeditis cursoribus, dono data est Illu-
 strissimo Duci Urbini FEDERICO
 qui tunc Capitaneus meritissimus erat
 Confederationis Italicę aduersus Barba-
 ros, quę ipso viuente semper pacifica fuit.
 Anguila designata Scalco, in coquina
 posita

posita est. In termino vnus horę à captu
ra anguilę in lacu Perusino magnus Ser
pens visus est, currens super aquas, sal
rans, modo submergens, demum emer
gens, magno denique cum strepitu ac de
speratione lacum cursitabat. Illustriss. il
li Proceres de re inuisa admirantes, adiu
dicarunt Serpentem quærere anguilam
(amasiā suā) expeditisq̃ illico nouis
cursoribus, certio rem fecerunt Illustriss.
Capitaneum, quòd nullo pacto comede
ret anguillam, existimantes illam esse ve
nenosam, ex coniectura Serpentis despe
rati visi in lacu. Quod ita compertum
est, nam omnes muscæ coquinæ, quæ ei
adherebant mortuæ cadebant, quo fit vt
argumentum stet in suo robore, hominē
homini pestiferum esse venenum, serpen
tem verò anguilæ non, nec viperam an
giis, nec anguem gallinæ. Esto quòd an
guillæ, anguis, & gallinæ insit disparitas
in resistendo, quòd expresse patet, quip
pe hec sine veneno, serpēs, vipera, & car
bo cum veneno semper viuunt. Igitur
concludatur quod paritas in agendo &
resistendo, nec etiam disparitas in agen
do & resistendo, soluit argumentum.
Cur homo homini sit venenum, & vipe
ra viperæ non? Sigilantes ergo Quæsi

C

tum Impreseniarum dicamus cum Ioan-
ne & Iacobo de Dondis: Sigismundo, &
Hieronymo de Polcastris: Petro Apo-
nenfi: ac glorioso Petro Trapolino præ-
ceptore meo, quòd licet res sit curiosa,
est etiam satis difficilis, & forte non mi-
nus quam Athlantis subire onus, ea pro-
pter vna sola existente veritate, heu quàm
difficile est illius scopum attingere.

- „ Quippe qui maxima pars eorum, quæ
- „ scimus est minima eorum quæ ignora-
- „ mus. Quandoquidem intellectus noster
- „ ad manifestiss. Naturæ se habeat, sicut
- „ oculus nicticoracis ad lumen solis. Idcir-
- co pro nunc adequatam causam quæ sit
non habentes, ad occultas proprietates
cōfugimus, quæ currunt inter hominem
peste infectum, & hominem sanum. Quæ
proprietas non currit inter viperam, &
viperam, sanam vel infectam: inter vipe-
ram & angiam: & inter serpentem & an-
guilam. Hæc quidem sunt scitu difficilia
quæ forte (& sine forte) nec calamo scri-
bi, neque lingua proferri possunt: & de
hoc non miretur quis frontemq; trahat,
si ad occultas proprietates confugimus.
- „ Quippe vt magnus Auerroes dixit. Pro-
- „ prietates indiuiduorum sunt, quæ red-
- „ dunt artem nostram imperfectam.

Ad obiectionem verò acutissimè factam au-
toritate Arist. quarto physicorum 71.
vbi dicebatur à proportionē minoris in
æqualitatis supra resistantiam non pro-
uenit actio, nec ab æquali, sicuti viperæ
ad viperam. Respondetur quòd Ari-
stot. dictum verificatur in homogeneis,
non autem in ætherogeneis, sicq̃ conclu-
sum sit qualiter vipera viperam non infi-
cit nec interrimit: pariter lupo lupo.
Homo tamen hominem inficit, ac interri-
mit, propter quid igitur hoc est, si nō cur-
rit occulta proprietas? soluat Apollo.

Contra hanc responsionem de fuga nostra
ad proprietates occultas Magnifici Do-
mini nostri ad vtilia adhuc instant. Scis
quare homo hominem inficit? Quia ho-
mo inter omnia animalia est animal per-
fectius, nobilius, ac sensibilius, ob id faci-
lius recipit peregrinas impressiones, &
sic facilius inficitur. Sed vipera, lupo, ac
leo sunt animalia imperfecta, ignobilia,
ob id non inficiuntur. Probatur autem,
quod homo sit perfectior quocunq̃ alio
animali, & in primis auctoritate poetica,
vbi dixit.

Pronaq̃ cū spectent animalia cetera terram
Os homini sublime dedit cœlumq̃ videre,
Iussit & erectos ad sydera tollere vultus.

C ii

Amplius auctoritate Prophete cum dixit .

„ Quid est homo, quod memor es eius, aut
„ filius hominis, quoniam visitas eū. Pau-
„ lo enim minus ab Angelis minuísti eum,
„ gloria & honore coronasti eum, & con-
„ stituísti eum super opera manuum tua-
„ rum. Omnia subiecísti sub pedibus eius
„ oues, & boues vniuersas, insuper & peco-
„ ra campi. Volucres cœli, & pisces maris.

Et ergo ratione nobilitatis complexionis,
ac intellectus politici homo de facili re-
cipit peregrinas impressiones. Vipera
autem lupus, & leo non & hoc ratione
ignobilitatis, & spurcissime nature sue.
Obid vipera non agit in viperam, nec lu-
pus in lupum, aut leo in leonem .

Contra hanc responsionem sic instatur, sem-
per seruata tantorum patrum grauitate,
pro nunc capio hominem, capio & vipe-
ram. Certum est quod homo & vipera
non differunt in substantia, corporeita-
te, aut animalitate : nec vnum magis sub-
stantia est quā reliquum. Sed sic est quod
homo lupus, leo & vipera communicāt
in substantia animata sensili : quia vnum
non est magis substantiata, quam aliud.
Quippe qui substantia secundum Philo-
„ sophum non suscipit magis & minus. Igi-
tur ratione substantiæ, corporeitatis, &

animalitatis æquales erunt in agendo ac
resistendo. Ergo nobilitas complexionis
nihil ad Rumbum: & de his in præsen-
tia sat sit.

Verum ad diuina verba Dauitica, quæ a-
pud me sunt magnificienda. Concedo
quod homo ratione igemonici, idest ani-
mæ suæ sapientis ac æternæ, superat vipe-
ram & cuncta animalia bruta. Obid cum
cythera sua canebat Propheta, dicens.
„ Quid est homo, quod memor es eius, aut
„ filius hominis quoniam visitas eum. Pau-
„ lo enim minus ab Angelis minuísti eum
„ & cōstituísti eum super opera manuum
„ tuarum. Omnia subiecísti sub pedibus
„ eius. Sic ita p anima humana est quæ no-
„ bilitat corpus. Et hoc idem dicit euange-
„ lium. Quid prodest homini si totum
„ mundum lucretur, anime vero sue detri-
„ mentum patiatur. Et ex iis clare patet
quo pacto homo pestilens agit in homi-
nem sanum ipsum inficiendo: sed non
„ agit in animam infinitam. Quippe finiti
„ ad infinitum nulla est proportio. Argu-
mentum igitur sic soluatur, vbi dicitur
quod homo perfectior, nobilior, ac sensa-
bilior est. Quocunque animali bruto &
propter hoc homo sanus ab homine pe-
stifero inficitur, & vt in pluribus perit,

21
 nagatur hoc esse ab homine inquantum
 „ homo & vera substantia. Quippe qui à
 „ substantia inquantum substantia imme-
 „ diate nullus actus prouenit, dicebat A-
 „ uerões 8. metaphisices, propter absentia
 contrarietatis. Relinquitur ergo quod
 necessum sit confugere ad proprietates
 occultas. Quando homo sanus inficitur
 ab homine pestilenti, & non vipera à vi-
 pera, nec equus ab equo. De quibus
 „ Hermes Habindimo, caput sapientum
 „ dixit has formas specificas cum suis pro-
 „ prietatibus à corporibus cœlestibus cau-
 „ sari propter diuersas imagines & figura-
 „ tiones in eis, motu accessionis & recessio-
 „ nis secundum octauam spheram. Et his
 „ primo Quæsito finem imponimus.

QVæsitum tertium est. Quibus cautio-
 nibus & auxiliis possint familiares &
 astantes ab huiuscemodi morbo preser-
 uari. Transeo de primo ad tertium, ut
 clariori ordine Quæsitum soluantur.

Pro Quæsito dissoluendo dicimus, vniuer-
 saliter loquendo. Quod suspectus de pe-
 stifera tabe, vel est sanus: sed tamen su-
 spectus, vel incipit ægrotare. Si sanus est
 ne labatur in pestem, à Medico conside-
 retur patientis complexio, si est calida,

frigida, humida, vel sicca, aut calida & humida: frigida & humida: calida & sicca: frigida & sicca. In primis cuiuscunque sit complexionis, quam citius poterit fugiat locum & aerem pestiferum, tam universalem, ubi aer esset contagiosus, quam particularem, ut puta Lazaretti. Et in hoc cauti sint Lazarettum ipsum adeuntes, ne ventus aduersus eos vapores & aerem ipsius Lazaretti deferat. Quippe ventus (secundum Ari.) nil aliud est quam aer motus. Et hoc dictum esse volui propter Magnificentiss. magistratus nostros (imperio verè dignos) necnon ab sollicitos Salutis Restauratores dominos meos ob seruandissimos Lazarettum sepe visitantes.

Cæterum eò redeamus vnde digressa est oratio nostra, quicunque præseruari cupit huiuscemodi cautione utatur. Primum degat in aere bono, domusque, & thalami sint odoriferi & lymphidi. Aliquando loca suffumigentur igne facto ex lauro, cupresso, vel alchytrâ, scilicet pice liquida. Odoretur spongia intincta in duabus partibus aceti, & vna aquæ rosacæ, ut spiritus vitales refocillentur, aere magis indigentes quam cibo & potu, nec minus odore, quoniam quæ citissime odores cordi subueniunt, id afferentes Gal. & Hyppo.

Cibaria sint ex optimo pane, carne, auibus
& ouis. Vinum laudatur mediocre, al-
bum, vel nigrum & potest lymphari cū
aqua cū ambra. Cœnaq; sit prandio par-
cior. Adde quod ad frigidum & siccum
cibaria cum aceto sunt condienda. Pro
salatutio, eruca, acetosa, buglosa, bora-
go, capares, lactuca, & cicoreum cocta.
Aspergatur tabula, thalamus, & aula cū
aceto. Quies & motus sint moderati ab-
sque sudore. Somnus nocturnus cum vi-
gilia meridiana sumoperè laudatur dū-
modo sit moderatus: quia somnus &
vigilia utroque modo magis facta malū
dixit Hyppoc. Quoad animi acciden-
tia, tam infecti quàm suspecti stent læti:
& quid sit cras futurum: effugiant quæ-
rere. Sex rebus non naturalibus declara-
tis ad faciendā nos accingamus. In pri-
mis dicimus si in viis ductuum adest re-
pletio, venter leniatur: cum altero isto-
rum manna, cassia, diallenē, diaprunæ
simpl. lenitiuo, catolicone, seu syrupo ro-
sato solutiuo: nec quid crudum mouea-
tur, quippe digesta medicare & mouere
non cruda nisi materia fuerit furiosa di-
cit Hyppoc. Verum si obiiciatur secun-
dum Hyppoc. in acutis si expedit eadem
die, differre enim malum est. Responde-
tur

11
tur, quod aliud est loqui de ægritudine
bus acuris, vbi tota humoralis massa pec-
cat à qualitate manifesta. Aliud de pera-
curis, vbi mala qualitas peccat à proprie-
tate occulta, ac venenosa fuligo cor con-
tangens patientem illico interrimit, quo
fit vt non cum euacuationibus succurra-
tur, sed cum conseruātibus & instauran-
tibus spiritus cordis, nec non cum defen-
siuis, ne cadat virtus, quandoquidem cū
cadit virtus, amplius curatio locum non
habet. Dicebat Princ. Manuteneatur er-
go virtus, ac ei succurratur cum restau-
rantibus. Quippe, qui viriliter comedūt
vt plurimum euadunt, dicebat Princ.
Adde quod ei succurrendum est cum o-
perantibus à proprietate, vt puta cum
terra sigillata, bolo armeno, thiriaca An-
dromaci, vel Mitridate & saccaro rosa-
ceo, aut violaceo: lenitione facta & cor-
dis restauratione. Digestiuis vtendum,
puta syrup: de buglosa, de acetositate ci-
tri, oxizacara, cum aquis acetose, boragi-
nis, & scabiose. Interim si clisterio opus
fuerit, illud fiat cum iure, saccaro, melle
rosaceo, sale, melle violato, & duobus vi-
tellis ouorum: Syrupis assumptis: pro
euacuatiuo laudatur manna cum drag. i.
rheubarbari infusi in decoctione appro-

D

priara. Et signo sumpro i virtute, ac vrs
ne rubedine & crassitudine, in ægritudi
nis principio, vel augmento, fas est ve
nam basilicam aut mediam secare ad vir
cias viii. vel x. non autem ad syncopin,
vt quandoque fecit bonus Galen. theria
ca, ac mithridatica confectio cum sacca
ro (vt dictum est) vbi opus fuerit exhi
beatur, ac electuarium de euphorbio.
Hic ommitto commemorare triferas, tro
ciscos, de camphora, aliâq; multa, ne in re
mediis fiat confusio, & multiplicentur
entia sine necessitate. Quippe ægritudo
hæc non dat inducias.

Q Veritur tertio (vt ordinem seruemus
nostrum) vtrum febres illæ pestilen
tes cum maculis, quæ vulgo petecchiæ
nuncupantur, sint contagiosæ, & fu
giendæ.

Pro notitia huius quæsti ponitur hæc con
clusio. Febres illæ pestilentes appellatæ,
petecchiæ à Magnifi. Salutis Restaurato
ribus cum maculis, non est vera Pestis:
fortè Epidimicus influxus in quibusdam
corporibus male dispositis ac præparatis
pro tali influxu recipiendo, propterea
quòd correlariè infero tales impetigines
non esse contagiosas, nec fugiendas.

14
Quamobrem affines & affantes non ti-
meant patientibus læto animo inferuire.
Sed hic dubitabit aliquis, cur multi ex hac
impetiginosa ille pereant, cum magno
faure quorundam Medicorum, dicen-
tium. Egli è morbo di Peteechie, quo-
niam pulicum maculas aspiciunt cum sua
candelula. Talesq; maculas impetigines
vocant. Adde quod infirmo sepe arden-
ti febre laboranti exhibet mitridaticum
antidotum, & hoc transeat cum aliis er-
roribus, nouit Deus Gloriosus, si in tali
febre, ter, & quater, exhibere mitridatē,
est canonice mederi.

Pro hoc dubio dissoluendo dicimus, quod
multo plures conualescunt quàm pereant
& si multi pereunt, forte forte, quia non
cuiuslibet datum est adire Corinthum, nec
iuuat in fine Medicum sapientem ac ex-
pertum vocare. Quoniam principis ob-
sta sero medicina paratur. Cū mala per
longas conualuere moras. Paruius enim
error in principio, maximus sit in fine.
Dicebat Arist. in primo cœli.

Questum quartum est. Quo iudicio co-
ragiose egritudines à principio iudica-
ri possint, & post mortem pro suspectis
haberi. Pro questu hoc diluendo, vt de

D ii

verbo ad verbum propositum dubium
dissoluatur. Dicimus cum tota Medico
rum schola. Quod viso Socrate laboran
te, magna inquietudine, siti intensa, lin
gue ariditate ac nigredine, febre conti
nua, necnon vrinis liuidis & iugalibus.
Tunc si egri facies videri potest, in pri
mis illam pernotabis, si est sibi sano limi
lis an dissimilis. Deinde quia preuisio est
de melioribus rebus, quibus Medicus
vratur, dixit Hyppoc. Iccirco Magnifi
ci & Clarissimi domini Rectores nostri,
necnon domini Salutis Prouisores meri
to quærunt, quonam iudicio ægritudo à
principio contagiosa iudicari potest, &
post mortem superstites haberi pro su
spectis, ne citra pulueris tactum transea
mus. Contagio à principio canonicè
iudicari potest, viso Socrate cum sym
ptomatibus supradictis, iterato sæpe vi
deatur ac consideretur vrina, & quidem
procul, quippe nedum si iugalis est, ve
rum si aquosa, cholERICA, vel melancholi
ca, vt dicebat AuicEN. Propterea quod
vrinæ talium ægrotantium quandoque
huiusce sunt coloris, & talis est vera Pe
stis. Ob id de vrina non tantum confidat
Medicus, sed alia perpendat symptoma
ta: puta si euomit choleram, vel melan

15
eholiam, si syncopizat, si sudorem foetidum emittit, si partes extreme sunt frigide, si adsit bubo in aliqua corporis parte, aut pruna, dubio procul Pests iudicetur. Adde si extra adest febris quiesca, in tus perturbans, cum magnitudine & frequentia anhelitus & nausea. De pulsu vero quod sit frequens, parvus, nil ad robur: quoniam sapiens Medicus non debet domum aut thalamum egroti ingredi, ne seipsum domumque suam simili morbo afficiat. Et ex his correlariè infero, quod tales nedum post mortem, verum & ante mortem suspecti haberi debent. Et demum pariter omnes, qui in domo sunt, atque hi, qui curam patientis habuerunt.

Quatuor quæsitis absolutis sicuti Magnifici Salutis Prouisores iudicandos proposuere Excellentissimo D. Preposito nostro Ioanni Andreæ Mantuæ. Videndum est nunquid vere pesti insit aliqua spes salutis. Et si salus speratur, quibus remediis conquiratur. Ad hæc responderetur. Quod vera peste laborantibus, utique de nonnullis sperandum est quod sanari possint. Quippe possibilitas est res ampla dicebat Gentilis de

Fulgineo gloria interpretum. Adde
 quod Doctores nostri de ea curam non
 scripsissent si incurabilis foret, ob id non
 desistendum à rationali cura, præsertim
 cum facta erit à viris peritis, & non ab
 ignorantibus. Sed quibus remediis suc-
 currendum in præsentia discutiamus.
 Ponamus Socratem patientem in prin-
 cipio, id est in prima die, ad quem voce-
 tur Hyppo. In primis (si eger videri po-
 terit) eius faciem iudicabit. Si est sibi sa-
 no similis an dissimilis, iuxta doctrinam
 suam. Videbit vrinam procul, quæ & si
 quandoque fallax, ut dixit Auicen. at-
 tamen ut in pluribus vera est interroga-
 bit de virtute vitali, si constat vel cadit.
 Quippe cum cadit virtus non valet cu-
 ratio. Curans .n. virtus est, non Medi-
 cus, & de virtute vitali, pulsus est præco-
 verax, quia nunquam fallit, pulsus au-
 tem tangere non est fas, ne Medicus seip-
 sum & alios simul lædat. Ideo procul ab
 astantibus ultra symptomata superius
 considerata, de his quoque interrogetur
 si dolet capite vel dorso, sub scabulis, in
 guinibus, gutture, aut in alia corporis
 parte. Quoniam ubi dolor, ibi ægritudo
 si nauseat, euomat, si lingua arida, nigra,
 si hypochondria tensa, si mulier est nun-

quid pregrans, aut suos menses viderit
tempore congruo. Quoad virtutem ani-
malem, si mente constet. De naturali vir-
tute, quomodo ad oblationes se habeat,
si digerit, si venter beneficium sentit, quo-
modo dormit, & si anhelitus feter. Pro-
pterea quod pessimum est signum, fateor,
quandoquidem signat quod in corde, pu-
tredo iam est confirmata, & conclamatū.
De his Medicus certior factus, si aliqua spes
,, est de infirmo, ad curā se accingat quia
,, melius est cum spe benigna operari quā
sine spe egrum sinere mori, dicebat Gal.
Cognitio igitur Socrate repleto, pri-
mum cum clysterio euacuetur, aut man-
na, cassia, electuario lenituo, catolicone
vel syrupo rosaceo solutuo, demum di-
geratur materia cum syrupo endiuæ &
de acetositate citri oxizacara cum deco-
ctis appropriatis, vel aquis stilatis, scili-
cet acetose, buglose, scabiose, & quanto
citius fieri poterit, lenito ventre secetur
vena basilica, aut media, cephalica, vel
saphena, constante virtute & grāte secun-
dum iudicium docti & experti Physici,
vrinis indicantibus, aut non. Quia cura
coacta licet omnia facere. Sanguinis ex-
tractio non sit ad syncopin inclusi ē (ut
quandoque Gal. fecit) sed moderate, ut

faciebat Auicen. fen. quarta primi. Vbi
,, dixit, in phlebotomia melius est infra
,, subsistere, quam exquirere euacuare, quia
,, sanguis est thesaurus vitæ, & pro thesau-
ro recordatur. Cæterum quia ægritu-
do non dat inducias, mithridatica confe-
ctio, vel theriaca Andromaci cum sacca-
ro rosaceo exhiberi potest. Mane epiti-
metur cor cum vnguento rosato & spe-
ciebus cordialibus. Renes vngantur
cum infrigidante Gal. aut vnguento ro-
sato, si non dormit, prouocetur somnus
cum lotionibus ex foliis vitis, salicis, la-
tuce, & rosarum in aqua feruefactis, cru-
ribus exsiccatis patiens cœner, & paulo-
post (si potest) dormiat. Sed si in pacien-
te adsit apostema pestilens, non illico ad
actuale cauterium refugium sit, aut aper-
turam cum ferro candenti: sed hirudini-
bus apostemati appositis, vbi perforaue-
rint & ceciderint, applicetur ibi ventrosa
& quoad fieri potest sanguis extrahatur
deinde emplastrum maturatiuum hoc
Montagnane, super folio caulis appona-
tur. Recipe radicem altheę vnc. qua-
tuor, cape liliorum alborum numero i.
ficuum pinguium drag. ii. florum camo-
mille, meliloti an. manip. vnum, farine
feminis lini, fœnugreci, ordeï an. drag. ii.
olei

olei liliorum, camomille, pinguedinis
galline, butyri an. vnc. vnam, coepe lilio
rum alborum decoctum numero vnum.
Pistentur omnia insimul cum radicibus
& floribus, ponaturq; emplastrum hoc
super follio caulis: ac apostemati appli-
cetur calidum. Deinde facta maturatio-
ne apostematis vbi opus est apertione, si
Chyrurgus haberi potest, ipse aposte-
ma aperiat, ne videamur in mellem alie-
nam ponere falcem, sin minus sine ferro
hunc in modum fiat apertio.

Recipe fermenti acris vnciam vnam, fimi
columbini numero quatuor, thuris vnc.
vnam, olei camomille vnciam mediam,
misce & super apostemate ponatur, aper-
toq; apostemate cum mundificatiuis pro-
cedatur inter quos laudatur vnguen-
tum de succo apii.

Amplius vt superstites, qui suspecti sunt
præseruentur, talis ordo seruetur, impri-
mis aer & loca infecta euitentur cito, lon-
ge & tarda sit reuersio. Domus & thala-
mi in quibus degunt aceto irrorentur.
Aer retificetur cum suffumigiis odorife-
ris: Igni tegula inflametur, & aqua rosa-
cea cum stirace calamita aspergatur: vel
recipe ireos puluerizati vnciam mediam
sandalorum scrupulos duos, cinamomi

E

Integri drag. iiii. gariofilorum pul. drag.
med. seminum citri, stiracis calamitæ an.
scrup. ii. ponantur in pintula cum aqua
rosacea calefiantq̃ in cameris, & cum ex-
siccantur, addatur de aqua rosacea in pin-
tula ipsa. Cibariis vtantur bonis, pa-
ne, carne elixa vel assa, & ouis, pisces, &
fructus omittantur. Vinum pauci-
ferum sit album, seu nigrum. Condian-
tur fercula cum aceto, agresto, vino gra-
natorum, vel oximelite. Exercitium
sit moderatum citra sudorem. Som-
nus meridianus euitetur, in nocte procu-
retur. Locosam vitam ducant, quoniam
mente confortari bonum & bene se ha-
bere ad oblationes, contrarium verò ma-
lum. Dicebat Hyppoc. Amplius quo
ad manet suspitio, pilul. Rufi laudantur
ex aloe, myrrha, & croco, quæ sunt penè
diuinæ. Sumantur singulis diebus ma-
ne vna quolibet die cum pauculo vini
bene olentis. Verum vt quisque sciat
huiuscemodi pilulas esse gloriosas, ea-
rum compositionem sic verifico.

Aloes est ex succo herbæ Aloen, quæ na-
scitur in India, & alibi, de quo succo di-
xit Mesu. Aloes est de sublimioribus
& melioribus medicinis, præseruans cor-
pora mortua à fortiori, viua.

18

Crocus omnibus notus, cordialis ultra modum lætificans cor, & sola lætitia indigent suspecti, ideo dicitur remedium præsentaneum.

Myrrha est gumi arboris, quæ in Arabia reperitur, cuius odor est gratissimus, consumit cerebri humiditates, præseruat a putrefactione. Ob id Maria Magdalena, eam in preciosis vnguentis ponebat: quale fuit cum vnxit pedes Saluatoris. Nec mirum si Iudas proditor dixit. Poterat enim vnguentum hoc vendari plus quam trecentis denariis, & dare pauperibus.

Dosis ingredientium in pilulis.

Recipe Aloes, succo citrini dragmam vnā, Myrrhæ dragmam med. Croci scrup. i. fiant pilule xvii. cum vino maluatico de quibus singulis diebus sumatur vna.

Et hi, qui singulis diebus mane comedunt tria folia rutæ, ficum vnā siccā, & mediam nucem siccā, loco theriacæ, bene faciunt Auenzoar iii. They sir in infinitum laudat granata muza, damnans aleum & cæpe. Nec quenquam lateat, nunquam satis decantatam ac laudatam terram sigillatam cum bolo armeno ele-

E ii

cto an. drag. med. cum pauculo vino odorato summo mane semel in hebdomada. Est namque præsentaneum singulareque remedium.

Laudant multi triferam Persicam, mixturas cordiales, epythemata, & emplastra cordialia cum mixturis & sacculis cordialibus, quæ omnia bona sunt: sed vnũ in præsentia considerandum est. Quòd Pestis hæc maligna, quæ nunc Paduæ depascitur, non prorogat tempus, quando quidem vna die, duos, treis, vel rarò quatuor interrimit. Sapit enim naturam malignitatis Istrie, propterea quia inde Paduam deportata est. Ob id cito electis & paucis remediis succurrendum est. Quippe qui nihil egrotanti perniciosius quàm crebra remedium applicatio.

Amplius laudamus quòd super corde, theriaca Andromaci, aut mithridacei confectio apponatur. Et tale est diuinum epythima. Sunt autem nonnulli qui super corde ponunt sacculum hunc, multum de eo confidentes.

Recipe arsenici, thuris, sulphuris an. vnc. vnam, granatorum iuniperi octo vel nouem, nucis muscatæ i. radicum verbenæ vnc. med. herbe sanctæ Mariæ folia viginti, gariophilorum nouem, zinzibe-

ris radicem vnam, corticum naranciorum vnc. iiii. fiat puluis & ponatur in sacculo serico.

Hic est sacculus magnis à viris laudatus, qui viri nobiles, estò quòd maiores essent, quàm campanile Sancti Marci, non mihi placet sacculus iste, quandoquidem non me lateat, quod arsenicum, & si sub pede poneretur, à proprietate occulta peteret cor ac ipsum inficeret. Sicuti cantarides vesicam excoriant, esto quod sub planta pedis ponerentur. Et nouimus aliquas mulieres liberatas à magna scabie cum balneatione ex aqua rosacea mixta cum solo arsenico, quo factum est vt materia scabiei retrocesserit ad pectoris partem intrinsecam, pulmonemque ac cor infecisse, & ex prysi periisse.

Nec me latet istos Magnificos Viros, contra nos insurgere, dicentes. O domini Medici, in theriaca Andromaci vos ponitis tyrum, quod est animal venenosissimum, & de ea manducatis, & nos tantum ponimus arsenicum in sacculo, ipsumque cordi apponimus, quod minus malum est, quàm manducare.

Ad hoc possumus respondere secundum quòd iocose dicere solebat Trapolinus noster, tale dubium esse argumentum de

balestra. Quoniam in theriaca nos ponimus trociscos de tyro, ut vos dicitis, & hoc concedimus, & tyrus est animal venenosum, hoc quoque concedimus, at quum infertur, ergo longe peius est manducare tyrum, sicuti facitis vos, manducando theriacam, quam nos qui tantum ponimus arsenicum in sacculo super corde. Responderetur negando, quod peius faciamus. Quippe qui res certissima est, quod tyrus vitius est venenosus, sed priusquam ponatur in theriaca expoliatur suo veneno hunc in modum. Capitur tyrus ac elongatur, percutitur baculo, illicoque caput & cauda per quatuor digitos abscinduntur, & sic venenum currens ad caput & caudam totum refecatur. Remanetque caro media veneno privata, & ex hac tyri carne sic preparata fiunt trocisci de tyro theriacam ingredientes. Falsum igitur est venenum tyri ingredi theriacam. Et pro dictis nostris verificandis opere precium duxi, descriptionem trociscorum de viperis, id est de tyro, hic infodere, secundum descriptionem Principis quæ talis est. Capiantur vipere in fine veris, minuti ac subtilis colli, eleuati capitis, velocis motus, flauis coloris, feminae ex omni latere habentes plures dentes.

20

Quia masculi habent vnum dentem ex
omni latere, nec sint cornutæ, aut varie,
ipsisq; capris cito caput & cauda cum
ano per quatuor digitos abscindatur, &
si mors eius tarda erit bene est. Extrahā
tur viscera & proprie fel. Abluantur cū
aqua, sale, & modico aneti, & cū eadem
aqua munda coquantur, vt caro ab osse
leuiter separetur, & munda in mortario
proiciatur. Operator odoret balsamum
digitiq; eius balsamo liniantur. Et facta
contritione misceantur. Fiantq; tortelle
ac in vmbra exsiccantur, & non in sole.
Quia sol virtutem corrumpet. Con
cludamus igitur quòd in theriaca non in
greditur venenum, sicut in sacculo su
pra scripto. Quod si sacculus aliquis bo
nus est non prætermittatur iste.

Recip. spetierum cordialium temperatarū
vnciam vnā, addendo musci, & ambre
an. gra. quinque, & fiat sacculus in seri
co ex chermes. Corq; inungatur cum the
riaca vel mythridate.

Amplius, quia in tam sæua ægritudine de
cies repetita placebunt. Ob id dicta om
nia vno pugilo perstringentes. Dicimus
quòd si quis pater familias est pestilentia
suspectus, primò ad Deum Optimū Ma
ximū vnum & trinum recurrat flexis

genibus adorans. Causa causarum adiut
ua nos, dignareq; Domine nobis elargiri
vt mens sit sana in corpore sano: demum
ad Deiparam Virginem cōfugiat, Inſtar
olim Illuſtriſſ. Urbini DVX Dominus
meus æternus. Dum eſſet in caſtris in obſi
dione Mediolani, ac Cremone aduerſus
Hiſpanos, & Eluecios. Cum altero in ter
ris Marte Ioanne Medices, Aloyſio Piſa
no, Petro Peſaro, Guido Rangono, Ma
lateſta Balleono, Virelo Vitelio, cum in
finitis alijs Proceribus. Ego quoque ibi
aderam phyſicus Inuiſtiſſ. Ducis. Qui
ſingulo die ſacra miſſa celebrata, pro cru
deli peſte ab Exercitu arcenda mādauit
Sacerdoti, vt genibus flexis alta voce
enunciaret, deuotiſſimum ſuæ Excellen
tiæ canticum hoc.

VIRGO cœleſti decorata partu
Semper humano generi miſerta
Iugiter ſe ſe tibi dedicatos
Aspice ſeruos.

STELLA cœli extirpauit
Quæ laetauit Dominum
Mortis Peſtem, quam plantauit
Primus parens hominum
Ipfæ Stella nunc dignetur
Sydera

Sydera compescere
 Quorum bello plebs torquetur
 Dire Pestis vlcere . Amen .

Demum, ad humanam curam se accingat,
 tenendo spongiam mundam in manu, in
 fusam in duabus partibus aceti, & vna
 aquæ rose vere & estate. Irroret came-
 ras & porticus cum aqua rosa. & aceto.
 Accendat ignes in cameris bonis non fœ-
 tidis lignis, & si potest ex rore marino,
 sabina, iunipero, lauro, cupressio, domus
 quæ suffumigetur odoribus gratis. Sin-
 gulis diebus mane vero quilibet in do-
 mo accipiat vnam pilulam paruam ex
 aloe, myrrha, & croco, descriptam à rufo
 Auic. & omnibus Medicis. Appellan-
 tur autem pilulæ cōtra Pestem. Pomum
 laudani Montragnane in manibus dela-
 rum laudatur in Autumno, & Hyeme.
 Aer domus non sit fetens ex fimo stabu-
 lorum, latrinis, aut cloacis, cibus ac po-
 tus sit gratus ex rebus bonis, in sero par-
 cus, vtendo aceto, agresto, vino granato-
 rum, ac acetosis. Euitetur coitus, exerci-
 tium sit moderatū, somnus diurnus eui-
 tetur, nocturnus approbatur. Theriaca
 Andromaci, vel Mithridatis cum sacca-
 ro rosaceo ad quantitatē dragme vnus,

F

semel in hebdomada summo mane. Cor
tantundem inungatur cum theriaca, vel
mithridate. Facies lauetur cum aqua
rosacea.

Item folia sex acetosæ cum tribus foliis ru
thæ mane manducentur, vel modica
quantitas cardī sancti pulueriz. cum vi
no odorifero bibatur, siue scordeon pul
uer. mandere semina citri, vel tenere in
ore cedoariam in quantitate ciceris (ut
ego facio mane) & meridie, ferēdo spon
giam aceto & aqua rosacea irroratam in
estate. Omnia acetosa in cibariis appro
bantur, cedra, arantia, agrestum, acetum
& super omnia granata. Postremo hoc
remedio diuino ꝑ antidoro, Oratio no
stra concludatur, & sigillo muniatur.
Mica panis aceto infundatur, asperga
tur ꝑ bolo armeno electissimo, & quoti
die summo mane manducetur. Et si
quis acetum abhorret, balneet micam pa
nis aqua rosacea, vel vino granatorum.
Et si possibile est habere terram sigilla
tam veram, & non adulterinam, id fiat
quod dixi de bolo armeno, vel de bolo
& terra sigillata, mixtis ossa aspergatur,
seu bucella illa panis, & comedatur.

P Vraram iam dire Pestis quęsitis Colofo-
nem imposuisse. Vbi vltraquam dici
possit Egregius Iurecōsultus Antonius
Rizatus meritiss. Iudex Maleficiorum
Paduę. Dubium satis curiosum, vtile,
nec minus difficile, enodandum propo-
suit. Vtrum, scilicet existentes in La-
zaretto infecti, vt puta, C R V X ve-
spilo, exiens, & in aere bono ac mundo
degens, in termino quadraginta dierum
expurgarit anhelitum, ac pestiferum ve-
nenum. Quod in eo erat in Lazareto,
& super curru tractante defunctos peste
vt tuto cum omnibus hominibus, mulie-
ribus, & pueris mundis possit habere co-
mercium. Et ob id dixi, & pueris mun-
dis. Quippe qui pueri, & puellę facilius
a Peste capiuntur, quàm iuuenes, aut se-
nes, ea propter maior cura illis adhiben-
da est, quod autem pueri, & puellę ci-
tius inficiantur, experientia compertum
est, & huiusce rei testes verissimi & gra-
uissimi sunt Magnifici Conseruatores
Sanitatis. Verbi causa D. Hierony-
mus de Campo sancti Petri, Gaspar Fa-
bianus, Diomedes Soncinus, Matheus
Cumanus, Iulius Citadela, Iacobus a So-
le, Baptista de Doctoribus, Antonius
Rustica, & Alphonfus Musatus. Sæpis-

22
sime enim viderunt Magnifici isti San-
tatis custodes, quod pueri & puellæ erant
primi defuncti, propter eorum imbecil-
litatem, parentes vero cum vicinis, dice-
bant illos à vermibus necatos, & tamen
Peste perierant.

Verum his omisfis, ad principale Quæsi-
tum redeunt, dicimus. Quod ita fa-
ma est, ac ubique volitat, quemlibet pe-
ste infectum, si in termino quadraginta
dierum degit in aere mundo, vel in do-
mo propria sane, liberum illi esse aditum
ac neminem inficere posse. Et huic fame
videtur Aristo. adstipulasse in libro de
» somno & vigilia: cum dixit. Impossi-
» le est famosum secundum totum esse fal-
» sum. Hoc est famosum, quod terminus
quadraginta dierum sit præfixus pro li-
berando quocunque suspecto. Ergo non
est falsum discursus notus apud Logi-
cos, & Philosophos. Igitur quadragesi-
mus dies pro liberando C R V C F,
à Lazzaeto non est falsus, quinimo ab
omnibus approbatus.

Sed contra hanc famosam opinionem du-
bitatur, & in hoc quis non me damnet
» de arrogantia. Quippe omnis contra-
dictor imprimis cum est super veritate,
est excusatus: dicebat Auicen. fen. quar

23
ta primi, & cum eo Turrisanus secundo
regni. Dico igitur nullum sacræ Medi-
cinæ famosum auctorem, quem viderim
diem quadragesimū, in hac re creticum
declarasse, seu limitasse. Et quod vidi-
mus experientia in Magnifica Ciuitate
Eugubii, verè testamur. Vidi, vidi ipse
libelle de Anno M D XXVIII. in
gloriosa Ciuitate Eugubii, & comitatu
Pestis vagabatur, quæ imprimis nutu
Dei Benedicti, nec non prudentia Illu-
strissimi Ducis Urbini, ac Clariss. Physi-
ci Federici Pamphylī, tunc Confalone-
rii, mei obseruandissimi Præceptoris, in
vrbe Romana. In totum sopita ac extin-
cta est, sorte datum quòd quædam mu-
lier Ioanna nomine de Colonis Magnifi-
corum Comitum de la Branca, febre af-
fecta pestifera cum apostemate in ingui-
ne in quindecim diebus à febre liberare-
tur, duro remanente edemate in ingui-
ne, & esto quòd quinque de familia sua
Peste perierint, ipsa conualuit, potens in
solitas operationes, ubiq; vagabatur,
Anno vero sequenti M D XXVIII.
de Mese Aprilis acceptis pullis cum vno
edo petiit Eugubium, illos portans in
vno canistro super capite (de more Ro-
mandiolæ) & vendidit, in reditu indo-

fuit apostema inguinis, ingressa domum
posuit se in lecto, & die sequenti Peste
obiit, cum tribus de sua familia, & qui-
busdam vicinis. Ecce quomodo Ioan-
na per tercentum dies Peste affecta hinc
inde vagabatur. Adagium ꝑ Romandio
læ tunc verificatum noui: vbi quis alte-
ri nimis fastidiosus est, ei dicitur, vâ che
” tu sei peggio che la Peste à Ogobio.
” Hoc volui dixisse, ne Domini mei obser-
uandissimi, sic pro certo habeant quadra-
gesimū diem esse euangelium, vt quisq;
liberetur. Reliquum est soluere Aristo-
auctoritatem. Impossibile est famosum
” esse ex toto falsum, & fama, quam om-
” nes famant non ex toto perit. Respon-
deo concedendo, quòd vt in pluribus
quadraginta dies est terminus liberatio-
nis, cum hoc tamē stat, quòd regula non
sit vniuersaliter vera. Quandoquidem
omnis regula patiatur exceptionem, si-
cuti dicunt Domini Iureconsulti, & be-
ne, amplius hoc sic probatur.

Diem, scilicet quadagesimum non esse ex
toto diem certum liberationis cuiuscun-
que, qui peste fuerit affectus, aut qui lon-
geuo steterit in Lazzareto assuetusq; illi
aeri pestifero, per regulam illam poste-
rioristicam. Si de quo minus videtur in-

esse & inest, & de quo magis, sed minus videtur quod Pestis steterit in Ioāna per trecentum & ultra dies occulta, quā in CR VCE vespilo per quadraginta dies, & tamen experientia compertum est, eam steterisse in Ioāna per tantum tempus. Ergo quadragesimus dies non est semper tutus ac præfixus, ut quilibet liberetur. Et in promptu causa est, si CR V X Lazaretista in aere pessimo Lazareti, tractans cadauera pestifera, vestes, & lectos sane viuit. Quid mirum ubi stat in aere saluberrimo per quadraginta dies, si tutius vitam ducit? Sic itaq; conclusum sit apud me quadragesimum diem non esse proprium effectum per suam causam à priori demonstratum. Quinimo oppositum compertum fuit in Ioanna villica Vgubina, quæ per annum stetit pestilens, sicut superius declaratum est.

Amplius nouissimum Quæsitum satis curiosum, & forte non minus utile fas est impresentia dilucidare. Quippe qui die quarta Nouembris 1555. Paduæ dum Sacratissimi Corporis CHRISTI processio celebraretur, gratiq; Deo Optimo Maximo redderetur, sic annuentibus Reuerendo Episcopo Gerardo Bus-

drago Lucensi, Magnificentissimo Pe-
 tro Mauroceno, Religiosissimo ac San-
 ctissimo Vincentio Dedo, cum nobili-
 bus ad vtilia depuratis (Antenoreæ Vr-
 bis suæ cordatiss. Protectores) pro dira
 peste fugata à fidiss. Ciuitate nostra. Ma-
 gnificus Paulus Aluarotus meritiss. ad
 vtilia prouisorum, & ego infimul gra-
 diebamur procesionaliter. Ob ter p in
 hos sermones incidimus. Quis quæ sũc
 respectus sit habendus Nouilunio, Pleni-
 lunio, cæteris syderibus, ac moribus su-
 percoelestibus, eo quia dixit magnus Hy-
 pocras. Est aliquid coeleste sydus in
 quo oportet Medicum præuidere, & Pe-
 ripathericorum pater Aristo. primo me-
 theororum cap. quinto. Totus iste mun-
 dus continuus est lationibus superiori-
 bus cœli, vt tota virtus eius inde guber-
 netur, Si sic est inquit generosus patri-
 tius, multum apud me sunt in considera-
 tione motus Lunares, Solares, & Cœle-
 stes pro liberandis suspectis veræ Pestis:
 & potissime Plenilunium, eo quia Luna
 mater humiditatum ipsa existente plena
 certum est tunc esse in culmine humida-
 tis. Sed secundum Aristo. Humiditas
 mater putrefactionis existit. Ergo in ple-
 nilunio Luna longe maiorem influet hu-
 miditatē

miditatem & putredinem . Ergo tunc
corpora omnia paratiora putredini erūt
& ad necem quam in quocunque alio
tempore, & potissime corpora pestifera,
iccirco, quantum in me erit semper pro
liberandis suspectis volo quod Plenilu-
nium prætereat per tres & quatuor dies.
Hæc fundate dicta optimi ac Magnifici
Deputati Aluaroti considerans, nefas ad
iudicau calamo parcere, quin paucula
hæc adnotarim.

Quæritur ergo vtrum superna luminaria
possint in hæc inferiora per influxum
manifestum, vel occultum, vt inde bo-
num, aut malum eueniat .

Pro Quæsito diluendo impresentiarum di-
cimus duas esse famosas opiniones, qua-
rum prima est Illustrissimi Pici, Miran-
dulæ Comitis, dicentis, Tantam insa-
niam continere Astrologiam & cœlestes
figuras, vt ad ipsam insanus non accedat
Orestes : nec delirans Epycurrus. Quam
indignam putauerunt Plato, Aristo. &
Pythagoras. Democritus vero dicere so-
lebat, Ante pedes nemo spectet, aut cœ-
li scrutetur plagas. Astrologia enim om-
ni recto iudicio profligata ipsam pruden-
tissimi Legum latores exterminarunt,

G

*Nam hinc
ad Cicero
Mirandulæ
P. Aristo
Pythagoras*

» & doctissimi Philosophorum confuta-
» runt, & viri diuini ac sanctissimi abomi-
» nati sunt. hæc magnus Picus. Existima-
uit enim Excellentissimus Picus Lunæ
coniunctiones, oppositiones, & syderum
morus considerare: esse verularum fabel-
las, & furdo narrare comœdiam.

Hæc opinio licet sit tanti Comitæ, ac inter-
natos mulierum rarissimi. Non ita ap-
probatur communiter. Quippe in op-
positum est fama vulgi, multorum sa-
pientum, & forte huic adstipulatur Ari-
stot. dictum primo meteororum vbi di-
» cit. Totus iste mundus continuus est
» latronibus superioribus cœli, vt tota vir-
» tus eius inde gubernetur. Adde quod se-
» primo Ethicorum dixit, Fama, quam
» multi populi famant non ex toto perit.
Supponentes igitur quod sydera coniun-
ctio & oppositio. Lunæ in hæc inferiora
multum possint, sicuti experientia docet
fas est opinionem quorundam damnare
qui nil curantes coitum aut oppositio-
nem Lunæ, nec Stellas ipsas, sed tantum
confidentes in suis suffumigiis, quæ sunt
ipsis secreta, quia non vident libros, nec
sciunt literas. idcirco secreta sua, sunt se-
creta trouantulorum. Aduertant igitur
Domini Sanitatis conseruatores Lunam

Solem, ac influxus coelestes, nec in quarta-
decima die liberet suspectos, & exem-
plo omnibus sit curia Contrarena Vene-
tiis ex cita licentia data suspectis, nouit
enim miser Mirani Castrum, periculoq
suo didicit quantum iacturę fuerit ei in-
tempestiua suspectorum liberatio, cuius
perditionis causa maligni Lazaretistę
suadentes Magnificis Senatoribus sani-
tatis liberare debere suspectos ante debi-
tum tempus, & quia mentiri nescio, li-
brum si malus est nequeo laudare. Rima-
rum etenim plenus sum hac illhac per-
fluens, me mutire nefas hoc adiudicaui.
Inquiunt nonnulli Lazaretistę moderni,
quod & si ipsi degant in Lazareto, ibiq
scribant literas & faciāt literis illis suum
quoddam suffumigium, illico litere ex-
poliantur aere pestifero, & turo à non
infectis possunt legi, & quod plus est ip-
sis exeuntibus ex Lazareto (aere infectis-
simo) facto suo suffumigio sibi ipsis, &
vestibus, talis infectio illico recedit, pos-
suntq securissime cum sanis habere co-
mercium, at si quis est qui hoc sibi per-
suadeat ac credat in ortulo suo plante-
tur hoc porrum aut cepe, in ortulo au-
tem meo nolo quod plantetur. Et contra
opinionem istorum Lazaretistarum est

G ii

longa experientia patrum nostrorum,
qui limitarunt omnes peste vere suspe-
ctos per quadraginta dias contumaces es-
se debere & sequestratos, ante quam de-
gant cum hominibus mundis, nec capit
intellectus meus quartūdecimum diem,
aut vigesimū esse dies tutos, & cum om-
ni reuerentia dictum sit vix quadragesi-
mus. Nec non longe magis nego, q̃ suf-
fumigium factum ex laudano, thymia-
me, thure, mastice, mirrha, sabina, cala-
mo aromatico, bacca lauri, belzoi, tere-
binto ac styrace, posse in instanti peste in-
fectum insimul eum vestibis liberare, &
qui hæc dicit, mihi videtur assimulari di-
ctis illius Ceretani, qui Paduæ prope tur-
rim prætoriam in angulo follarum, præ-
dicabat se daturum gratiam Sancti Pau-
li contra omnes vīperas, tractans multas
ex illis, quas habebat in vna piside co-
ram populo. Captaq̃ vna ex his viperis
eam applicauit linguæ suæ. Bona autem
vipera illico venenum imprescit, qua ele-
uata subito lingua, caput, colum, pectus
ac totum corpus conflagrum est, sincopi-
zans bonus Trouantulus, delatus est in
aromatariam bursę. Miser inq̃ dies ultra
miser Ceretanus vsus omnibus suis reme-
diis, cum sua disgratia, in termino quinq̃

horarum phaselum Charontis pertransi-
uit. Nec Medicus Tollentinus, cum Son-
cino Mithridate, & Theriaca adhibita
quidquam potuerunt afferre auxillii. Pa-
ri passu dicamus de Zurmatoribus iis pe-
ste desiderantibus. Quippe platea vini,
aut iustissimæ Sancti Marci columnæ,
erunt illis delitiosus lectulus. Quando-
quidem lento gradu ad vindictam sui di-
uina procedit ira, tarditatemque supplicii
grauitate compensat.

Reliquum est diuinam opinionem Magni-
fici Pauli Aluaroti, ad vtilia meritiss.
Præsidis describere, quæ talis est, sydera,
motus Solares, & Lunares suis influxi-
bus in hæc inferiora possunt & agunt,
præcipue plenilunium super miseris pe-
ste affectis. De quorum infortunio sem-
per consideravi, considero, ac considera-
bo, ne liberi à charibdi, cadamus in sy-
lam. Quippe plus in hoc expendere id
nobis parum est. O generositas tanti
Ciuis nunquam satis laudata: Semper
igitur oculum habeamus ad plenilu-
nium non neglecto nouilunio, cum sit
quòd cæteris Planetis propinquior no-
bis existat Luna. Fas est ergo semper ha-
bere Hybocraticum dogma ante oculos
primi pronosticorum septimo, vbi dici-

„ rur. Est aliquod cœleste sydus in quo
„ oportet Medicum præuidere. Nec non
„ Arist. primo metheororum. Necesse est
„ hunc mundum inferiorem superioribus
„ lationibus esse contiguum, ut omnis vir
„ tus inde gubernetur. Quam diuinam opi
„ nionem sequuti sunt omnes Patavinus
„ stri, præcipue Conciliator, Marsilius,
„ cum Galeacio Sancta Sophya, Ioannes,
„ et Iacobus de Dondis, Sigismundus cum
„ dilectissimo filio suo Hieronymo de Pol
„ castris, Bartholomeus Montagnana, Sa
„ uonarola, & gloriosus Petrus Trapoli
„ nus præceptor meus, amplius quantum
„ possint, Sol, Luna, Planete cum ceteris
„ syderibus in istis inferioribus.

Testatur qui vere nouo circūspicit orbem.

Tot sata, tot syluas, prata, vireta, iuga.

Testantur marine aque fluxu, refluxu suo
„ pisces, volucres, & quæque animalia bru
„ ta, sed longe magis homo rationis parti
„ ceps. Microcosmos dictus, idest parvus
„ mundus, qui Luna plena affatim humidi
„ tatibus abundat, & id quod vidimus re
„ framur. Scollasticus quidam iurista no
„ bilis Vincentinus Padue grauitè vulne
„ ratus in sincipite, in die nouilunii ante

cœnobium Heremitarum. Delatus in
 domum nobilium de Vitalianis, pro
 Physico Diuus Petrus Trapolinus voca-
 tus est, pro Chyrurgo Andreas Moran-
 dino. Cui craneum erat incisum cum du-
 ramatre, satisq; amplum vulnus erat.
 Craneum tunc à cerebro tātum distabat
 quòd Chyrurgus cum bombice exuca-
 re poterat duram & piam matrem facili-
 ter vndequaque. Demum crescente Lū-
 na, cerebrum adeo increuit, quòd in ple-
 nilunio craneum videretur continuū
 durę matri, & vix vulnus mūdificari po-
 terat. Deinde decrescēte Luna decreuit
 cerebrum. Chyrurgusq; vndequaque
 vulnus abstergebat, & hoc vidimus.
 Quoad nobilis Iuuenis sanatus est. Ecce
 quantum possunt supercœlestia in istis
 inferioribus, & qui hoc negaret, negat
 sensum. Negare autem sensum propter
 rationem est infirmitas intellectus, secun-
 dum Arist. Cerebri autem cremen-
 tum, & decremētum huius vulnerati, iudicio
 meo aliā causam non habet, quā ple-
 nilunium, et nouilunium, at si solutio no-
 stra non euacuat quęsitum (dubium hoc
 soluat Apolo.)
 Verum nonnulli pestiferi sunt ore rorūdo
 allērentes multas Ciuitates à peste libe-

rasse cum suis suffumigiis. Rodon, scilicet, ac Constantinopolim multaq; experimenta ibi fecisse, quod si vera sunt, norunt Antipodes. Hoc bene dixero veritatem continere, quod ad pauca respicientes de facili anunciant, teste Aristotele. Multa enim promittuntur, quid nocet promittere, adagio dicitur. At si scandala veniunt veh illi per quem scandalum venit. Quippe expedit ut mola asinaria suspendatur. Caueant ergo ne demergantur in profundum maris. Illi qui perperam operantur, quia non in ligno aut in corio opus exercetur, sed in corpore humano nobilissimo, dixit Gale. primo asforismorum: Nec eamus inficias, suffumigia Recentiorum non miraculosiora sunt, quam Hyppocratica. Quum Græciam liberauit à dira Peste introducta ab exercitu Artaxersis. Græcie autem liberatio cum nemoribus combustis, non fuit in quatuordecim aut viginti diebus, sed per longas ebdomadas, & menses. Ergo moderni Lazaretistæ decipiuntur, quando dicunt cum suis suffumigis in instanti purgare literas scriptas in Lazareto, ac vestes suas, ut valeant cum sanis secure praticare. Dicamus autem nos cum antiquis nostris sapientibus Medicis
 & Diuo

„ & Diuo Hieronymo, quòd omnia tem-
 „ pus habent, & suis spaciis transeunt vni-
 uersa sub Sole. De experimentis Ro-
 dianis, si miraculosus suus colloxus im-
 presentiarum staret. Longe altius lo-
 queretur, quàm Romæ Marphorius, aut
 Pasquinus. Concludamus igitur suffu-
 migia Recentiorum esse truffas, vt dice-
 bat Trapolinus, corona Sapientum: at
 illi, quibus in infinitum Ciuitas nostra
 obnoxia est: ob eius à Peste citam expul-
 sionem imprimis sunt Deus Gloriosus
 Optimus Maximus, Magnificētissimus
 Petrus Mauroceno, cū sanctissimo Vin-
 centio Dedo Urbis Rectores integerri-
 mi, accedentibus ad vtilia nobilibus De-
 putatis, ac Præsidibus restauratoribus
 sanitatis: qui strangulatis pessimis pesti-
 feris, diram Pestem vltra Sauromatas fu-
 garunt.

Postremo ad auctoritatem & rationes ma-
 gni Pici, cōtra Astrologos liceat respon-
 dere. Imprimis præmissa debita reueren-
 tia tanto Principi, cuius nomen & doctri-
 nam Philosophorum Academia venera-
 tur adoratur, nec sat scitur quod apud om-
 nes præporētius dubium emergat, quàm
 si tanto Principi literæ, an tantus Comes
 literis ornamento sit. Dicamus ergo

H

ad argumenta Illustrissimi Domini (ut
dicebat Peretus Pomponacius Mantua-
nus, cum Glorioso Petro Trapolino,
quod maximus Picus, ut infinitam do-
ctrinam, ac diuinum ingenium suum
mundo panderet, Romæ proposuit di-
sputandam Apologiam tresdecim que-
stionum, & ut Astrologos pessundaret.
Sic placuit ei scribere contra ipsos (esto
quod forte aliter sentiret.) Quippe qui
negari non potest, cœlum, & astra mul-
tum inclinare hominem, & cætera ani-

mantria, non ramen necessitare, ob-

id dicitur. Sapiens domina-

bitur astris, & hoc est

quod Doctissimus

Picus disputa-

uit contra

astrolo-

gos.

Demonstrauitq; hominis intel-

lectum, longe nobi-

liorem es-

se

cœlo, ac

astris.

HAEC sunt Antenoreæ Ciuitatis
Magistratus Illustres, quæ mihi im-
presentia dicenda occurrunt de pestifera
Iue Anni M D LV. A qua Magnus
Alcitonans, Sanctissimum S. P. Q. V.
sua infinita bonitate præseruare digne-
tur deuotam sibi Patauina Urbem.
Nobiles & plebeos, in posterumq; pau-
percula Ciuitas nostra sana sit, donec sin-
gulos fluctus formica marinos ebibat,
& totum testudo perambulet orbem.

